

CONSELLERÍA DE MEDIO AMBIENTE

Orde do 27 de maio de 2003 de accións sectoriais de promoción da calidade na comercialización de produtos silvícolas.

O Regulamento (CE)1257/1999 do Consello, do 17 de maio, establece no seu artigo 30 a posibilidade de outorgar axudas para a transformación e comercialización de produtos forestais, e no artigo 33 para a diversificación de actividades relacionadas co sector primario no contorno rural.

O Programa Operativo Integrado de Galicia 2000-2006, aprobado por Decisión da Comisión do 7-3-2001, recolle na medida 1.2 as melloras na transformación e comercialización de produtos agrícolas e forestais.

A conveniencia de repercutir no sector primario forestal os beneficios dun mercado dinámico e non intervido dos produtos da madeira, precisa non só dispor de empresas competitivas de aproveitamentos, senón que tamén sexan capaces de transmitir ó sector forestal os valores que a sociedade demanda ós produtos forestais a través do mercado.

A competencia internacional e a crecente demanda de novos requisitos cualitativos nos produtos de consumo fai prioritario o desenvolvemento e implantación de melloras na formación empresarial, adaptacións ambientais e innovacións na xestión empresarial que permitan dinamiza-la cadea comercializadora, reducir ineficiencias e adaptarse a futuros criterios esixibles á cadea de custodia. Por iso, considérase conveniente incentivar estudos técnicos e de mercado, accións de formación e promoción de feiras e exposicións como foro divulgador dos avances do sector, axustándose ó establecido nas directrices de axuda ó sector agrario (2000/C28/02).

En virtude do anterior, ó abeiro do Decreto 287/2000 citado anteriormente, de acordo co artigo 30.I.3 do Estatuto de autonomía e en uso das atribucións que me confire a Lei 1/1983, do 22 de febreiro, reguladora da Xunta e do seu presidente,

DISPOÑO:

Artigo 1º.-Obxecto das axudas.

Considéranse as accións que se van iniciar no ano 2003, realizadas por ou para as empresas dos sectores de comercialización de produtos silvícolas, cos seguintes fins: organización e asistencia a feiras e certames comerciais específicos do sector silvícola, accións formativas encamiñadas á mellora da cualificación empresarial e dos traballadores, e accións de promoción xenérica e estudos sectoriais orientados a mellora-la transparencia e información do mercado de produtos silvícolas.

As actuacións desenvolveranse durante o ano 2003 podendo prolongarse durante o ano 2004 as relativas a estudos e accións formativas.

Consideraranse auxiliables os gastos de consultoría, contratación de persoal, formación e organización e asistencia a exposicións e feiras, coas limitacións indicadas no anexo II.

Artigo 2º.-Beneficiarios.

Poderán ser beneficiarios as empresas de comercialización e transformación dos produtos forestais con enderezo social en Galicia, agrupacións ou asociacións das ditas empresas, ou empresas contratadas por estes últimos.

Artigo 3º.-Prazo de presentación de solicitudes.

O prazo de presentación de solicitudes será de corenta días hábiles contados a partir do seguinte ó da publicación desta orde no *Diario Oficial de Galicia*.

Artigo 4º.-Importe das axudas.

Os estudos, accións formativas e organización de feiras terán unha subvención dun 75%.

Para as asistencia a feiras certames comerciais seguiranse os seguintes criterios.

-No territorio peninsular: 40% dos gastos subvencionables para as asistencia organizadas conxuntamente.

-Fóra da Península Ibérica: 50% dos gastos subvencionables.

Artigo 5º.-Criterios de selección.

1. O orzamento dispoñible distribuirase da seguinte forma entre as distintas accións obxecto de axuda:

1º Resérvase un 20% do orzamento para accións de promoción e estudos, outro 20% para actividades formativas e outro 20% para organización de feiras.

2º O crédito remanente asignarase coa seguinte orde:

a) Primeiramente as actividades formativas, dirixidas a empresarios e traballadores de empresas comercializadoras de produtos silvícolas.

b) Seguidamente a accións de promoción xenérica sectorial e estudos do sector orientados á mellora da comercialización.

c) O orzamento aínda remanente asignarase a organización de feiras.

d) Por último, consideraranse as asistencia a feiras.

2. De acordo co artigo 3 do Decreto 287/2000, a concesión de axudas efectuarase baixo o réxime de concorrencia competitiva. As accións solicitadas seleccionaranse segundo os criterios de prioridade que se indican a continuación:

a) Actividades formativas: primeiro as de contido máis específico do sector de produtos silvícolas, segundo as de maior duración, terceiro as dirixidas a un maior número de empresas.

b) Accións de promoción e estudos: primeiro segundo a súa relevancia coiuntural, segundo as de maior orientación comercial, terceiro pola súa aplicabilidade por outras empresas do sector.

c) Organizacións de certames comerciais: primeiro as de maior ámbito xeográfico, considerándose posteriormente os certames máis consolidados.

d) Participación en feiras: primeiro as participacións con stand propio ou compartido, entre estas,

primeiro as de maior mercado potencial das empresas participantes; finalmente as misións sen stand, sempre organizadas conxuntamente para 5 ou máis empresas, dándolles prioridade ás de maior número de empresas participantes.

Artigo 6º.-Tramitación e concesión de axudas.

1. Os interesados deberán presentar, perante a Dirección Xeral de Montes e Industrias Forestais, ou na forma prevista no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, modificado pola Lei 4/1999, a seguinte documentación:

a) Instancia-solicitud, dirixida ó conselleiro de Medio Ambiente, segundo modelo que figura no anexo I desta orde.

b) Memoria onde se desenvolvan os puntos relacionados no anexo III da presente orde.

c) Copia cotexada do NIF ou CIF.

Recibidas as solicitudes examinaranse os documentos presentados. No caso de que sexan detectadas faltas ou omisións, requirirase o interesado, de acordo co artigo 71 da Lei de réxime xurídico das administracións públicas, para emendar os erros ou xunta-la documentación preceptiva no prazo de dez días hábiles.

2. O conselleiro de Medio Ambiente resolverá os expedientes por proposta da Dirección Xeral de Montes e Industrias Forestais, que deberá axustarse ó disposto no artigo 9.5º do Decreto 287/2000, do 21 de novembro, polo que se desenvolve o réxime de axudas e subvencións públicas. A resolución individual e motivada notificaráselle ó interesado.

3. No caso de non recaer resolución expresa nun prazo de seis meses a partir da data de entrada en vigor desta orde, o interesado poderá entender desestimada a solicitud, sen perxuízo da obriga legal de resolver expresamente, conforme o disposto nos artigos 42 e 44 da Lei 30/1992, do 26 de novembro, de réxime xurídico das administracións públicas e do procedemento administrativo común, modificada pola Lei 4/1999. As resolucións serán notificadas a cada un dos solicitantes no prazo de dez días trala toma do acordo.

4. Contra a resolución aprobatoria ou denegatoria, que esgota a vía administrativa, cabe a interposición do recurso potestativo de reposición ante o conselleiro de Medio Ambiente, no prazo dun mes, que comezará a contar a partir do día seguinte á recepción da notificación da resolución, ou no prazo de tres meses desde que se entenda desestimada por silencio administrativo, ou ben ser impugnada directamente ante o Tribunal Superior de Xustiza de Galicia no prazo de dous meses se a resolución fora expresa, ou seis meses desde que se entenda desestimada por silencio administrativo, de acordo co disposto no artigo 117 da Lei 30/1992, modificada pola Lei 4/1999, e no artigo 46 da Lei 26/1998, do 13 de xullo, da xurisdicción contencioso-administrativa.

Artigo 7º.-Procedemento de pagamento e xustificación.

1. O prazo de xustificación de cada anualidade finalizará o 30 de outubro de 2003 e o 30 de maio de 2004 respectivamente.

2. Para a percepción dos pagamentos deberá presentarse a seguinte documentación:

a) Solicitude de cobramento da subvención.

b) Xustificación dos investimentos realizados mediante:

-Relación ordenada dos investimentos e dos pagamentos efectuados (anexo IV).

-Copias cotexadas das facturas orixinais sobre as que se realizará a toma de razón, copia dos documentos bancarios de pagamento, ou calquera outra contemplada no artigo 15.2º do Decreto 287/2000, polo que se desenvolve o réxime de axudas e subvención públicas da Comunidade Autónoma galega.

c) Memoria (anexo V), indicando as actuacións executadas, o número de empresas e traballadores beneficiados e a incidencia cualitativa sobre as empresas participantes.

d) Certificacións do cumprimento formal das obrigas coa Seguridade Social e fiscais e de non ter débedas pendentes de liquidación coa Comunidade Autónoma. Estas dúas últimas poderanse substituír pola autorización, segundo o modelo do anexo VI, baseándose no disposto na cláusula 3ª do convenio de colaboración entre a Axencia Estatal de Administración Tributaria e a Comunidade Autónoma de Galicia en materia de subministración de información para finalidades non tributarias.

e) Certificado bancario de conta corrente e ficha bancaria.

3. Unha vez comprobada a documentación presentada e realizada a pertinente comprobación de execución dos investimentos subvencionados, a Dirección Xeral de Montes e Industrias Forestais emitirá a correspondente proposta de pagamento.

4. De acordo co Decreto 287/2000, do 21 de novembro, polo que se desenvolve o réxime xurídico de axudas e subvencións públicas na Comunidade Autónoma de Galicia, poderanse realizar pagamentos parciais. Os pagamentos parciais non superarán o 80% da subvención concedida.

5. Os pagamentos parciais serán garantidos mediante aval bancario ou de entidade aseguradora suficiente, que se depositará por tempo indefinido á disposición da Consellería de Medio Ambiente na Tesourería Xeral da Xunta de Galicia. O referido aval garantirá a cantidade anticipada máis os xuros, calculados ó xuro legal do diñeiro vixente no momento da concesión e por un prazo que medie entre a data de solicitude e, como mínimo, dous meses tra-lo remate do prazo de xustificación previsto. O certificado de depósito de aval bancario devolve-ráselle ó interesado unha vez se comprobe a realización da acción obxecto da subvención, así como as restantes condicións da subvención. Estes avais

poderán ser liberados no suposto de que se constituán para pagamentos parciais correspondentes a fases ou partes da actuación susceptibles de avaliación independente e se comprobe a súa realización.

Artigo 8º.-Disposicións comúns.

1. A contía das axudas contempladas nesta orde axustarase ó establecido na normativa de aplicación xeral e concretamente ás directrices comunitarias sobre axudas estatais ó sector agrario (DO C 232, 12-8-2000).

2. As axudas serán compatibles con calquera outra destinada ós mesmos fins procedente de administracións públicas, salvo fondos comunitarios distintos do Feoga, sen supera-los custos totais das accións obxecto de axuda.

3. En calquera fase do proceso de tramitación, a Dirección Xeral de Montes e Industrias Forestais poderalle solicitar ó interesado as aclaracións ou xustificacións oportunas con respecto ós datos da documentación esixible.

4. O beneficiario someterase ás actuacións de comprobación e control financeiro dos investimentos subvencionados por parte da Consellería de Medio Ambiente, a Intervención Xeral da Comunidade Autónoma, o Consello de Contas e o Tribunal de Contas.

5. No caso de incumprimento das condicións establecidas nesta orde e as indicadas na resolución de subvención, procederase á revogación parcial ou total da axuda.

Artigo 9º.-Información e publicidade.

Na resolución individual de concesión da axuda, indicarase a contía ou porcentaxe de participación dos fondos FEOGA-O e da Xunta de Galicia.

A participación financeira do FEOGA-O e da Xunta de Galicia deberá indicarse nos documentos que se realicen con motivo das accións subvencionadas.

Disposicións derradeiras

Primeira.-As axudas fixadas na presente orde financiaranse con cargo á aplicación orzamentaria 15.02.614C.770.0 dos orzamentos xerais da Comunidade Autónoma con 458.850 euros para o ano 2003, e 321.195 euros para o ano 2004.

Segunda.-Facúltase o director xeral de Montes e Industrias Forestais para dictar, no marco das súas competencias, cantas disposicións complementarias estime oportunas para o desenvolvemento da presente orde.

Terceira.-A presente orde entrará en vigor o día seguinte ó da súa publicación no *Diario Oficial de Galicia*.

Santiago de Compostela, 27 de maio de 2003.

José Manuel Barreiro Fernández
Conselleiro de Medio Ambiente

ANEXO I

 <p>CONSELLERÍA DE MEDIO AMBIENTE</p>	<p>UNIÓE EUROPEA FEOGA ORIENTACIÓN</p>	
---	---	---

PROCEDEMENTO ACCIÓE S ECTORIAIS DE PROMOCIÓE DA CALIDADE NA COMERCIALIZACIÓE DE PRODUCTOS SILVÍCOLAS	CÓDIGO DO PROCEDEMENTO MA615B	DOCUMENTO SOLICITUDE
--	---	--------------------------------

DATOS DO SOLICITANTE

RAZÓN SOCIAL		CIF	
TELÉFONO	ENDEREZO	TELÉFONO MÓBIL	
CONCELLO	CÓDIGO POSTAL	CORREO ELECTRÓNICO	FAX

E na súa representación:

DON/DONA	DNI
----------	-----

EXPÓN:

Que á vista da convocatoria de subvencións da orde do _____ de accións sectoriais de promoción da calidade comercialización de produtos silvícolas.

SOLICITA:

A concesión dunha subvención a fondo perdido segundo os termos sinalados na citada orde para os seguintes investimentos:

Contía dos investimentos

Estudios e accións promocionais	_____
Accións formativas	_____
Certames comerciais	_____

E comprométese a xunta-la seguinte documentación:

- MEMORIA (ANEXO IV).
- COPIA DO CIF OU NIF.

LEXISLACIÓE APLICABLE <i>Orde do 27 de maio de 2003 de accións sectoriais de promoción da calidade na comercialización de produtos silvícolas.</i>

<p>DECLARO: que son certos os datos arriba reflectidos, O/A SOLICITANTE OU REPRESENTANTE</p> <p style="text-align: right;">_____, __ de _____ de 200_</p>
--

*ANEXO II***GASTOS ACOLLIBLES E LIMITACIÓNS****A) Organización de feiras:**

- Consideraranse un máximo dunha feira de carácter internacional e nacional, deberá estar promovida ou apoiada por asociacións sectoriais forestais e precisará dun informe previo da Dirección Xeral de Montes e Industrias Forestais.
- As demais feiras e as de carácter local e provincial non recibirán unha axuda superior a 18.000 €.

B) Asistencia a feiras:

- Asistencia con stand propio ou compartido: terán consideración de subvencionables os correspondentes a gastos de stand, traslado de material, contratación de ata dous empregados para a atención do stand, e os gastos de desprazamento e aloxamento dun máximo de dúas persoas por empresa, neste caso a cantidade máxima subvencionable é a regulamentariamente establecida para os funcionarios do grupo 2º da comunidade autónoma.
- Misións comerciais e visitas feriais: só se contemplarán nas de carácter internacional organizadas para un mínimo de 5 empresas: gastos de desprazamento e aloxamento dun máximo de dúas persoas por empresa, neste caso a cantidade máxima subvencionable é a regulamentariamente establecida para os funcionarios do grupo 2º da comunidade autónoma.

C) Formación:

- O contido do curso deberá ser específico do sector forestal ó que se dirixe.
- Cada curso terá un mínimo de 10 asistentes, de alomenos 5 empresas.
- Gastos acollibles: remuneración do profesorado, material didáctico aluguer de instalacións e gastos xerais ata un 25% do gasto total. Limitados ós prezos habituais para cursos de formación continua.

D) Estudos e campañas de promoción xenérica:

- Deberán ser de carácter xenérico, aplicables mesmo ás empresas non participantes.
- Os que superen no seu orzamento os 12.000 € deberán estar promovidos por unha asociación sectorial forestal e precisarán dun informe previo da Dirección Xeral de Montes e Industrias Forestais.

ANEXO III
MEMORIA DAS ACCIÓNS QUE SE VAN REALIZAR

1.-) DESCRIPCIÓN DA ACCIÓN QUE SE VAI REALIZAR:

(Indica-la natureza da acción que se vai realizar e descrición detallada que permita avalia-la acción prevista, incluír relación de actividades, contido dos cursos, nº de persoas beneficiarias)

- 1.1.- Nº de empresas participantes.
- 1.2.- Nº de traballadores participantes.
- 1.3.- Datas e lugares de celebración.
- 1.4.- Descrición detallada da acción.

2.-) ORZAMENTO DETALLADO DE PARTIDAS DE GASTO:

<i>CONCEPTO</i>	<i>GASTO ESTIMADO (€)</i>
<i>PERSOAL</i>	_____
<i>DESPRAZAMENTOS E VIAXES</i>	_____
<i>CONTRATOS DE ASISTENCIA</i>	_____
<i>ADQUISICIÓN DE MEDIOS PROPIOS</i>	_____
<i>OUTROS</i>	_____
TOTAL	_____

3.-) ARGUMENTOS XUSTIFICATIVOS DOS CONCEPTOS DE GASTO:

(Xustificación dos gastos necesarios para a execución da acción)

4.-) OBXETIVOS PREVISTOS:

Explicar incidencia, cuantitativa e cualitativa, esperada das accións nas empresas do sector:

- A.- Custos de produción.
- B.- Calidade do produto.
- C.- Capacidade de produción.
- D.- Seguridade laboral.
- E.- Mellora do servizo.
- F.- Impacto ambiental.
- G.- Fidelización do mercado.
- H.- Xestión empresarial.
- I.- Melloras na toma de decisións.

5.-) PROGRAMA DE INVESTIMENTOS E PAGAMENTOS:

(Estes datos servirán de referencia para a distribución das anualidades da axuda)

<i>DATA</i>	<i>DESCRICIÓN DOS INVESTIMENTOS PREVISTOS</i>	<i>IMPORTE INVESTIMENTO</i>	<i>PAGAMENTOS PREVISTOS</i>
15/10/2003	_____	_____	_____
30/05/2004	_____	_____	_____

6.-) DECLARACIÓN XURADA DE AXUDAS SOLICITADAS PARA O MESMO INVESTIMENTO:

Don/Dona _____, como representante legal de _____

DECLARO

Que se ten solicitado, ou previsto solicitar, axudas para os mesmos investimentos ó abeiro das seguintes liñas de axuda:

<i>OBXECTO INVESTIMENTO</i>	<i>IMPORTE INVESTIMENTO</i>	<i>LIÑA AXUDAS</i>	<i>ORGANISMO XESTOR</i>
_____	_____	_____	_____

Declaro, así mesmo, coñece-la incompatibilidade desta liña de axudas con outras con fondos comunitarios distintos de FEOGA-O, e a imposibilidade de que as axudas superen o importe dos gastos realizados.

Data _____

Sinatura _____

ANEXO IV

LISTA DE XUSTIFICANTES DO INVESTIMENTO

EXPEDIENTE Nº

BENEFICIARIO	XUSTIFICACION	CÓDIGO DOS DOCUMENTOS DE PAGAMENTO 1.- CHEQUE 3.- METÁLICO 2.- TRANSFERENCIA BANCARIA 4.- LETRA DE CAMBIO
DATA INICIO INVESTIMENTOS	DATA FINAL INVESTIMENTOS	
	<input type="checkbox"/> FINAL <input type="checkbox"/> PARCIAL	

XUSTIFICACIÓNES				PAGAMENTOS EFECTUADOS								
TRABALLOS SUBVENCIONABLES	OBXECTO INVESTIMENTO	CUSTOS PREVISTOS	Nº FACTURA	DATA	EMITIDO POR	OBXECTO DO GASTO	IMPORTE SEN IVE	DOCUMENTO CÓDIGO E.N.º *	DATA	IMPORTE CON IMPOSTO INCLUIDO	IVE RECUPERABLE	IMPORTE SEN IVE
<i>SUBTOTAL</i>												
<i>SUBTOTAL</i>												
<i>TOTAL</i>												

Esta lista irá acompañada das fotocopias cotexadas das facturas e xustificantes bancarios de pagamento

Data _____
 Sinatura do beneficiario (ou do seu representante legal)

ANEXO V
MEMORIA DAS ACCIÓNS REALIZADAS

1.- DESCRIPCIÓN DA ACCIÓN REALIZADA:

(Indica-la natureza da acción que se vai realizar e descrición detallada que permita avalia-la acción prevista, incluír relación de actividades, contido dos cursos, nº de persoas beneficiarias)

1.1.- Nº de empresas participantes.

1.2.- Nº de traballadores participantes.

1.2.1.- No caso de cursos formativos: relación de participantes con indicación da empresa na que realizan o seu traballo.

1.3.- Datas e lugares de celebración.

1.4.- Descrición detallada da acción.

1.4.1.- No caso de cursos de formación: memoria e contido do curso en soporte informático.

1.4.2.- No caso de campañas promocionais e estudo: memoria e contido da campaña ou estudo en soporte informático.

2.- EXPLICACIÓN DAS DIFERENCIAS ENTRE OS ORZAMENTOS PREVISTOS E OS REALIZADOS:

Indíquese as diferencias entre os investimentos aprobados e os xustificados (custo e cuantificadores dos aspectos cualitativos).

<i>APROBADO</i>			<i>EXECUTADO</i>			<i>OBS.</i>
<i>OBJECTO</i>	<i>IMPORTE</i>	<i>ASPECTOS CUALITATIVOS</i>	<i>OBJECTO</i>	<i>IMPORTE</i>	<i>ASPECTOS CUALITATIVOS</i>	
<i>TOTAL</i>			<i>TOTAL</i>			

Explicacións e xustificación das diferencias entre as accións e custos previstos e os realizados, indicando as causas.

3.- XUSTIFICACIÓN DOS CONCEPTOS DE GASTO:

(Explicación da finalidade de cada un dos gastos realizados)

4.- OBXECTIVOS ACADADOS:

Explica-la incidencia, cuantitativa e cualitativa, esperada das accións nas empresas do sector, participantes ou non nas accións:

A.- Custos de produción.

B.- Calidade do produto.

C.- Capacidade de produción.

D.- Seguridade laboral.

E.- Mellora do servicio.

F.- Impacto ambiental.

G.- Fidelización do mercado.

H.- Xestión empresarial.

I.- Melloras na toma de decisións.

5.- DECLARACIÓN XURADA DE AXUDAS SOLICITADAS PARA O MESMO INVESTIMENTO:

Don/Dona _____, como representante legal de _____

DECLARO

Que se ten solicitado, ou previsto solicitar, axudas para os mesmos investimentos ó abeiro das seguintes liñas de axuda:

<i>OBJECTO INVESTIMENTO</i>	<i>IMPORTE INVESTIMENTO</i>	<i>LIÑA AXUDAS</i>	<i>ORGANISMO XESTOR</i>

Declaro, así mesmo, coñece-la incompatibilidade desta liña de axudas con outras con fondos comunitarios distintos de FEOGA-O, e a imposibilidade de que as axudas superen o importe dos gastos realizados.

Data _____

Sinatura _____

ANEXO VI

	CONSELLERÍA DE MEDIO AMBIENTE	UNIÓN EUROPEA FEOGA ORIENTACIÓN	
---	--	--	---

PROCEDEMENTO <i>AXUDAS PARA ACCIÓNS SECTORIAIS DE PROMOCIÓN DA CALIDADE NA COMERCIALIZACIÓN DE PRODUCTOS SILVÍCOLAS</i>	CÓDIGO DO PROCEDEMENTO <i>MA615A</i>	DOCUMENTO AUTORIZACIÓN INFORMACIÓN TRIBUTARIA
---	--	--

AUTORIZO:

A Dirección Xeral de Montes e Industrias Forestais, para que, conforme o disposto no artigo 2.4 da orde do Ministerio de Economía e Facenda do 18 de novembro de 1999, solicite da Axencia Estatal de Administración Tributaria a subministración dos datos de carácter tributario a que se refiren o artigos 6º 1.d e 10º 1.c da orde.

Así mesmo, cos requisitos sinalados no parágrafo anterior e no art. 18.1 do Decreto 287/2000, do 21 de novembro, polo que se desenvolve o Decreto legislativo 1/1999, do 7 de outubro, do texto refundido da Lei de réxime financeiro e orzamentario, en materia de axudas e subvencións públicas,

AUTORIZO:

Para que se solicite da Axencia Estatal de Administración Tributaria e da Consellería de Economía e Facenda a información a que se refire o artigo 78.4.c) da Lei de réxime financeiro e orzamentario de Galicia, en relación co cumprimento das miñas obrigas tributarias estatais e coa Comunidade Autónoma de Galicia.

_____, ____ de _____ de 200 ____

(Sinatura do solicitante ou representante)

Asdo.: _____

Director xeral de Montes e Industrias Forestais